

## Stáhtaráđi ášahus

### ealliguovdasaš doarjagis, mii máksojuvvo boazodoallojagis 2014/2015

Addojuvvon Helssegis geassemánu 18. beaivve 2014

Stáhtaráđi mearrádusa mielde mearriduvvo eana- ja šaddogárdedoalu riikkadási doarjagiid birra addojuvvon lága (1559/2001) 14 §:a 3 momeantta vuodul:

#### 1 §

##### *Heivehansuorgi*

Eana- ja šaddogárdedoalu riikkadási doarjagiid birra addojuvvon lága (1559/2001) 14 §:s oaivvilduvvon doarjjan sáhtá máksit Suomas fásta ássi boazoeaiggádiidda stáhta bušehtas jahkái 2014 eana- ja šaddogárdedoalu riikkadási doarjagii čujuhuvvon ruđain boazodoallojagis (848/1990) oaivvilduvvon boazodoallojagis 2014/2015 ealliguovdasaš doarjaga nu go dán ášahusas mearriduvvo.

#### 2 §

##### *Doarjjaoažžu*

Doarjja máksojuvvo jagis 2014 stáhtaráđi ášahusa (14/2014; ášahus davvidoarjagis) čuvvosis 1 oaivvilduvvon guovlluin C3 ja C4 bohccuiguin bargi dálloaluide.

Dállodollui gehččojuvvojit gullat náittosguimmežat ja dakkár náittosdililágan dilis oktasaš dálloalalus jámma ássi olbmot, geat leaba leamaš ovdal náttosis dahje geain lea dahje lea leamaš oktasaš mánná. Dállodollui gullet maidái ovdalis máinnašuvvon guimmežiid seamma dálloalalus ássi mánát ja biebmománát, geat

eai leat deavdán 18 jagi ovdal dan kaleanddarjagi álggu, mas doarjja ohccojuvvo. Dállodoallun gehččojuvvo maidái juogekeahtes jápminbeassi.

Doarjaga oažžuma eaktun lea, earret dan mii eana- ja šaddogárdedoalu riikkadási doarjagiid birra addojuvvon lága 3 §:s mearriduvvo, ahte ahte doarjjaoažžu galgá mearkut bajás iežas jođihan boazodoalu boaduid ja goluid.

#### 3 §

##### *Doarjjadohkálaš ealihanbohccot*

Doarjaga sáhtá oažžut, jos dállodollui gullevaš olbmot oamastit boazologahallamiid mielde boazodoallojagi loahpas uhcimustá 80 ealihanbohcco, nugo boazodoallolága 5 §:a 2 čuoggas oaivvilduvvo.

Doarjagii vuoigadahtti bohccuid oamastanvuoigatvuohta ja lohku vuodđuduvvet boazodoallojagis 2013/2014 dahkkojuvvon boazologahallamii. Boazodoallojagi 2013/2014 áigge dahkkojuvvon boazogávppit sáhttet válđojuvvot vuhtii doarjaga miedihettiin.

Doarjja ii máksojuvvo dain ealihanbohccuin, mat mannet badjel bálgosiidda dahje daid osolaččaide mearriduvvon alimus lobálaš

ealihanboazologuid. Jos bálgosa ealihanboazolohku manná badjel bálgosiidda mearriduvvon alimus lobálaš ealihanboazologu, de dálldoaluid doarjjadohkálaš ealihanbohccuid lohku geahpeduvvo liigebohccuid hárrái seamma gori mielde go dálldoalut oamastit ealihanbohccuid bálgosis. Jos ealihanboazolohku báhcá uhcibun go 1 momeanttas mearriduvvo, de dálldollui sáhtttá liikká miedihuvvot doarjja daid loahppaealihanbohccuid logu vuodul, jos dálldoalus leat leamaš ovdal geahpedeami ealihanbohccot uhcimustá 1 momeanttas mearriduvvon mearri.

Doarjja ii máksojuvvo maiddái dain ealihanbohccuin, maid osolaš livččii galgan bálgosa dohkkehan jahkásaš njuovvanplánaid mielde njuovvat. Jos dálldoalu ovdalis

oaivvilduvvon njuovakeahtes bohccuid lohku lea badjel golbma proseantta ealihanboazologus, de doarjja ii máksojuvvo dálldollui ollege.

#### 4 §

##### *Doarjjamearri*

Doarjaga mearri lea eanemustá 28,50 euro ealihanbohcco nammii.

#### 5 §

##### *Fápmuiboahdin*

Dát ásahus boahtá fápmui geassemánu 25. beaivve 2014.

Helssegis geassemánu 18. beaivve 2014

Eana- ja meahccedoalloministtar *Jari Koskinen*

Boarráset hálldahusčálli Juha Vanhatalo